

U nga ngheni!

Mutsari i Margot Bertelsmann

Mukombisi i Natalie uye Tamsin Hinrichsen

Hoko ya Luke a yi ri ehansi ka xirhapa. A yi akiwile hi timhandzi na mafasitere ya nghilazi ya ntiyiso. Manana a veka kona hariki ya yena ya le xirhapani. Muhlekisani wa Manana Trevor a veka kona thireni ya swimilani swa yena, leswaku a ta byala matsavu.

Kambe havumbirhi a va lo hirha ndhawu leyi.

Xiyindlwana i xa Luke. U hlayisa swihundla swa yena hinkwaswo leswa kahle kona kwale. Eka xelufu yin'wani, a ku ri na swibokisana swo aka na swa swimunhuhatwa swa tinghwazi. Enkwameni lowu nga ekhonweni a ku ri na timavula. Eka khona leyin'wani ku na ndhawu ya mbyana Sally emikumbeni ya Luke ya khale.

Luke u endla mfungho: U NGA NGHENI! Un'wana na un'wana a fanele ku kombela mpfumelelo loko a lava ku nghena ehokweni, handle ka Luke na Sally. Ko tala, un'wana na unwana a yingisela – handle ka boti wa yena lonkulu, Felix.





“Luke, xibye xo olela thyaka ra mbyana xi le hokweni,” ku vula Manana.

“Xana ndzi nga ya xi landza?”

“Ndzi ta xi landza!” ku vula Luke.

“Xin’wana na xin’wana lexi u nga xi endlaka, mina ndzi nga xi endla

ku antswa,” ku vula Felix, kambe

sweswo a hi ntiyiso. Luke a basisa hinkwaro thayaka ra mabyana, yena hi yexe.

Trevor u lava petirolo ya muchini wo kera byanyi.

Na wona u wu veka ehokweni ya Luke. “Ndzi ta wu landza!” Luke a huwelela.

A humesela xiphaphani ehandle, kutani Trevor a n’wi komba leswaku ya cheriwa njhani mafurha emuchinini wa byanyi. Trevor a koka ntambu, kan’we, ravumbirhi, ravunharhu. Wu khoma! Vhruuum. Trevor a pfumelela Luke a tsemeta xindhawana xitsongo endzhaku ka loko a ambarile titeki ta yena, hinkwaswo hi yexe.

Felix na yena u lava ku tsemeta. “Vona leswaku ndzi tsemete byanyi byo tanihi kwihi,” a tiba xifuva. “Naswona kutlula wena kule.”

Xikandza xa Luke xi tshwukuluka hi ku hlundzuka.

Felix a karhatekile. A famba a ya erivantini ra hoko.

“Ndzi le ku ngheneni,” a tivisa. A nga kali a gongondza.



Trevor a languta Manana. Manana a hundzuluxela mahlo ya yena.

Luke a rindzela.

Felix a gova xikhomo xa rivanti. Phooo! A tsakama kusukela ehlokweni kufika eswikunwanini.

Felix a tsutsuma a ya tiomisa na ku cinca hembhe. Kutani a vuya.

“Ndzi vuyela wena!” a huwelela. A raha rivanti.

Mvhoo! Luke a vekele vheravhera rin’wana.

Mvhomomo yi n’wi tlumba gomu.

“Eish! Ndzi ta ku kuma eka sweswo,” ku tshembisa Felix.



Felix a kunguhata ku rihisela. U le ku endleni ka swo karhi ehandle ka rivanti.

“Huma, Luke!”

“Hikokwalahokayini?” ku vutisa Luke. “Xana u anakanyi leswaku eka hinkwaswo leswi ndzi nga swi endlaka, u nga swi endla ku antswa?”

“Kumbexana,” ku vula Felix, a ri karhi a hlekelela.

Luke u huma hi fasitere hi tlhelo lerin’wana ra hoko. A nyandlamela aya eka tlhelo ra Felix a fika a yima endzhaku ka yena.”

“Kambe, a ndzi anakanyi leswaku sweswo i ntiyiso,” ku vula Luke a ri endzhaku ka makatla ya yena, a ri karhi a n’wi komba mfungho erivantini. A wu swi koti na ku hlaya mfungho.”



U nga ngheni!

Mutsari i Margot Bertelsmann • Mukombisi i Natalie uye Tamsin Hinrichsen

Mianakanyo yo bula hayona

Luke u na ndhawu ya yena yo hlawuleka. Xana u na ndhawu ya wena yo hlawuleka ekaya? Loko u ri hava, xana u nga tiendlela yona kwihi?

Xana u ehleketa njhani hi ndlela leyi Felix na Luke va tikhomisaka xiswona loko va langutana? Xana i yini va nga swi endlaka ku hambana?



Xifaniso

Dirowa xifaniso xa misavu yin'we leyi Luke a yi endlaka eka buti wa yena.



Ku Hlaya

Langutisisa xifaniso xo sungula. Hlaya tsalwa eka mapheji lawa nakambe kutani u kuma swilo leswi nga swa Trevor na Luke exifanisweni.




Ku Tsala

Endla mfungho wa wena wa "U nga ngheni".



Ntirho wa vutshila

Tirhisa bokisi ra mandza tanihi thireyi ya mbewu kutani u byala swimilana swin'wana. Lebula mbewu hi ku dirowa swifaniso switsongo swa tinxaka ta swimilana loko swi kurile. Namarheta swifaniso leswi eka swinhongana leswitsongo kutani u swi veka kusuhi na mbewu.



Encenyeta

Endla "bakwa" ro hlawuleka ku tlanga no hlaya hi ku vekela minkumba ehenhla ka switulu. Vekela tibuku ta wena na swotlangisa swa xirhandzwa ebhakweni ra wena. Vekela mfungho wa "U nga ngheni" lowu u wu endleke ehandle ka bakwa.

